

Un solo Parlamentario a hiba palabra durante tratamiento di presupuesto di Asuntonan General

ORANJESTAD (AAN): Diarazon den presencia di Ministro Presidente, sr. Nelson Oduber y su conseheronan y publico presente, a keda aproba den sala di Parlamento e presupuesto di Asuntonan General o sea Algemene Zaken. E presupuesto aki ta ensera un suma di 67.6 miyon Florin. Bou e ministerio aki ta resorta oficina di Gobernador di Aruba, Consejo di Minster, Raad van Advies, SER, Buro Voorlichting (BUVO), Directie Personeel en Organizatie (DPO), Seguridad Nacional, Relacionnan Exterior, Departamento di Telecomunicacion, Tele Aruba NV y Oficina di Minister.

Tabatin solamente un orador cu a hiba palabra, esta di fraccion di MEP. Esaki door cu ningun otro Parlamentario a skirbi nan nomber ariba e lista di orador cu ta ser poni promer cu comienso di cada reunion publico den Parlamento y asina haci cu Presidente a sera e lista di orador, despues di discurso di e promer orador.

E reunion aki cu normalmente ta dura oranan largo a finaliza liher, esta un tiki pasa di 12 or di merdia. E biaha aki no tabatin ningun mocion presenta. Si ta asina cu fraccion di RED, cu no a skirbi nomber pa papia, den un proposicion di ordo kier a insisti pa presenta un mocion, sinembargo e



proposicion pa presenta dicho mocion no a keda sosteni.

Presidente di Parlamento, Mervin Wyatt Ras, haciendo uzo di articulo 31 y 33 di reglamento di orden a mira cu no ta posibel pa honra dicho proposicion, pasobra segun e Presidente di Parlamento un persona cu no a skirbi nomber pa papia y pues no a tene un discurso no por presenta un mocion despues den un proposicion di ordo. Esaki lo haci cu Parlamentarionan no lo

mester tene nan mes mas na loke reglement van orde articulo 31 inciso 1 ta bisa: "De voorzitter verleent het woord in de volgorde, waarin het is gevraagd. Die volgorde zal blijken uit de inschrijving op een lijst, welke door elk te behandelen onderwerp ter tekening bij de griffier ligt". Segun Presidente di Parlamento ta solamente durante discurso por entrega mocion. Articulo 33 inciso 1 ta bisa: "Een lid dat het woord voert, kan daarbij moties over het in

behandeling zijde onderwerp indienen".

Un discurso no ta mescos cu un proposicion di ordo. Un proposicion di ordo no ta pa trata asuntonan di contenido di un reunion sino di indole di "orde", manera pa entrega documento ter inzage, pa pidi schorsing, pa pidi presencia di un of otro dignatario den sala y no pa algo inhoudelijk di e reunion. No por uza un proposicion di ordo y hacie igual cu un discurso.

Segun Presidente di Parlamento si desvia di esaki ta bira posibel cu na cualkier momento un Parlamentario por cana kibra y bin cu proposicion di ordo pa entrega mocion. Esaki lo haci posibel cu Parlamentarionan no mester tene na mes na regla pa skirbi nan nomber prome cu papia y no tin mester di cumpli mas

cu nan responsabilidad pa cu nos pueblo di presenta na reunion na tempo pa hiba palabra. Esaki no ta conta pa fraccion di RED so sino pa tur fraccion.

Sinembargo salvaguardando democracia Presidente di Parlamento a dicidi di pone e proposicion di fraccion di RED tog den discucion y asina mayoria den Parlamento a dicidi di no acepta dicho proposicion.

Despues di esaki a continua un discucion entre e diferente fraccionnan y durante "stemmotivering"

fraccionnan na nan manera a duna nan opinion e sucedido. Finalmente e presupuesto a keda aproba cu mayoria voto.

Awe, 28 di september 2006, ta sigui cu e ultimo presupuesto di 2006, esta esun di Raad van Advies.

TELEFONNAN DI DIARIO
582-6747- FAX 582-8551

HULANDA BIN RUIM OP E PORKERIA PA CABA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Tur Lora
50% OFF